

娛

親

雅

言

娛親雅言卷二

歸安嚴元照

毛詩

周南葛覃傳灌木叢木也

釋木文

顏氏家訓

書證

云江南

詩古本皆爲叢聚之聚而古叢字似叢近世儒生
因改爲叢解云木之叢高長者周續之毛詩注音
爲徂會反又音祖會反劉昌宗音爲在公反又徂
會反皆爲穿鑿失爾雅訓也毛詩釋文云一作叢
作外反元照案叢叢二義迥別說文最在月部曰

犯而取也取在口部曰積也取義與叢同廣雅

釋詁

一取積也

釋詁三叢積聚也

曹憲音在遇反史記

周本紀

有

周取索隱音詞喻反此二音皆不誤取聚音義皆

同故記傳中聚字多作取後人誤合取最為一則

又改取為最而不知其義之不合也試舉數書證

之管子

禁藏

冬收五藏最萬物

注最聚也

莊子

德充符

物何

為最之哉

釋文徂會反徐采會反司馬云聚也

荀子

彊國

執拘則最

楊

注最聚也

公羊傳

隱元年

會猶最也注最之為言聚史記

股本紀

大最樂戲於沙邱徐廣曰最亦作聚禮記

樂記

會以聚眾注聚或為最廣小爾雅詰最積灌聚樸叢

也以上諸最字皆取之譌六朝人不考說文以最

為取字雖為取而音則為最談之甚者顏氏尙未

究言之也取上加少俗玉篇門部不收取字於

月部最云子會切齊也聚也大誤佩觿中最竝

列上才句翻積也下子外翻極也音義尙不誤徐

用云養原案叢古音鄒春秋左氏醫婁公羊經作

叢蓋音婁反語為鄒因通作叢也叢从羊取聲取

與鄒音相近取最等字皆从取亦音鄒故叢與最

最可通用叢取可通而不通取最不宜溷而溷此

桃夭有蕢其實傳蕢實貌元照案蕢卽墳之異文司

烜氏秋官共墳燭注故書墳爲蕢元謂墳大也墳大

釋詁文又作頌魚藻有頌其首卽荅之華牂首墳

首之義也魚藻正義云頌與墳字雖異音義同桃實蕢然而大故曰

實貌說文蕢襍香艸此蕢之正訓

召南小星維參與昴傳昴畱也正義引元命苞云昴之爲言畱也元

照案昴从𠂔聲畱从𠂔聲今人讀𠂔轉變作𠂔爲莫鮑

切𠂔古文爲與久切惠氏士奇禮說謂昴當从𠂔

說文傳𠂔从𠂔此亦惑於今音強爲之說不知古

音尤蕭通用昂雷之訓止義存乎聲也史記律呂卯之言茂也酉者萬物之老也白虎通行五卯者茂也酉者老也可以證矣

邶風柏舟胡迭而微釋文云韓詩作載音同云載常也元照案載不成字乃載之譌也載與秩通巧言

秩秩大猷說文大部引作載載又說文𠂔部𠂔从𠂔載

聲讀若詩威儀秩秩秩常釋詁文也韓傳訓常本

此秩迭偏旁小異故毛詩作迭箋亦訓常正義以

更迭解之非也秦風駟騶漢書作四載地理志下二

字各省馬旁也今本亦誤作載山海經

海外南經有鼓

國郭璞音秩今本亦誤爲載

廣韵屑部引作鼓說文繫傳二十引不誤

堯典平秩史記作便程案程秩聲相近程从呈聲鼓从戠戠亦呈聲故秩亦作鼓又作程

凱風序曰美孝子也衛之淫風流行雖有七子之母

猶不能安其室故美七子能盡其孝道以慰其母

心以成其志爾元照案後漢書

光武十王

章帝賜東平

王書曰今送光烈皇后假紵帛巾各一及衣一篋

可時奉贍以慰凱風寒泉之思又

章八王

和帝詔曰

諸王幼稚早離顧復弱冠相育常有蓼莪凱風之

哀三國蜀志

二主妃子

今皇思夫人宜有尊號以慰寒

泉之思漢孔耽神祠碑竭凱風以惆悵惟蓼儀以

愴悵

隸釋五

衛尉衡方碑會喪太夫人感背人之凱

風悼蓼儀之劬勞

隸釋

郎中馬江碑銘云顧几筵

悽衷傷嗟詩云感凱風歎寒泉惟梓桑

隸釋八

此皆

漢人之文詳其辭意與毛大異後之承用者陶潛

孟嘉傳云淵明先親君之第四女也凱風寒泉之

思實鍾厥心潘岳寡婦賦覽寒泉之遺歎兮詠蓼

莪之餘音謝莊宋孝武宣貴妃諫仰昊天之恩報
怨凱風之徒攀謝眺齊敬皇后哀冊文思寒泉之
罔極分託彤管於遺詠晉書孝友列傳序瀝風樹
以隤心類寒泉而沫泣追遠之情也李善注寡婦
賦曰寒泉謂母存也蓼莪謂父母俱亡也其說必
本諸三家詩章懷後漢書注於東平傳仍引毛說
何弗思之甚

臧在東云九能表出此義頗有益名教

谷風不我能慤反以我爲讎傳慤養也元照案孟子

曰畜君者好君也好與養義相近呂覽

適威

云周書

曰民善之則畜也不善則讎也高誘訓畜爲好畜
與讎對與詩義尤合馬融廣成頌疏越蘊情章履
注蘊情猶積聚也是情與畜通

衛風碩人其頤箋云言莊姜儀表長麗俊好頤頤然

玉篇

頁部

引作碩人頤頤臧氏

琳

經義襍記據三章

箋曰敖敖猶頤頤也以玉篇所引爲正元照案其
頤之文未可謂非釋文標其頤二字正義云以類
宜重言故箋云頤頤然也是陸孔本皆不與玉篇
同以訓詁之體準之啞其矣傳箋皆云啞啞然

芙坐帶悸兮傳箋皆云悸悸然有節度條其歎矣
傳云條條然歎零露漙兮傳云漙漙然盛多子之
丰兮箋云面貌丰然此皆經不重言而見諸傳
箋者又蓼蕭首章零露漙兮傳云漙漙然蕭上露
貌正義云下漙漙泥泥皆重言故此亦爲漙漙也
此與碩人印證尤合徐新田云養原案王吉解匪
風之詩曰是非古之風也發
發者是非古之車也揭揭者此西京詁訓之體

伯兮焉得諼草傳諼草令人忘憂正義云諼訓爲忘
非苙名謂欲得令人善忘憂之草不謂諼爲草名

故釋訓云諼忘也孫氏引詩云焉得諼草是諼非
草名也元照案說文憲令人忘憂艸也从艸憲聲
詩曰焉得憲艸憲或作蕪或作萱今本作諼古文
之假借安得非草名乎又案爾雅曰蕪諼忘也郭
璞注云義見伯兮考槃詩指焉得蕪艸永矢弗諼
二語也蕪卽蕪之省文孫叔然引此詩證諼字則
蕪字更將以何者爲證乎此叔然之疏也正義不
取證於說文又誤於叔然之爾雅注故強爲之說
如此

陳風東門之池可以晤歌傳晤遇也元照案晤遇釋

詁文爾雅作選云邁逢遇選也邁逢遇選見也釋

文云字又作迂選晤一聲之轉又與寤通鄧展注

漢書

敘傳下

引爾雅作寤列女傳

賢明

兩引可與晤言

皆作寤邶風寤辟有標說文

日部

引作晤此通用之

徵也晤又作忬釋名

姿容

寤忬也能與物相接忬也

晤歌卽接忬之義故箋云晤猶對也正義引釋言

遇偶也而不引釋詁殆未審晤選通用之故矣

楚詞重華不可選兮王逸云選逢釋文云史作悟

案今本屈原傳作惜又案釋言迺寤也釋文云迺
孫本作迂

蟋蟀歲聿其暮傳聿遂也元照案爾雅

釋言

律述也律

卽聿字

詳邵氏正義

毛傳每以述訓聿而此獨作遂者

古述術字皆與遂通用月令審端經術注曰術周

禮作遂學記術有序注曰術當爲遂春秋

文十經二年

秦伯使術來聘公羊作遂鄭志云述讀如遂事不

說之遂是此傳遂字卽述也正義云歲實未暮而
云聿暮故知聿爲遂遂者從始嚮末之言此不得

其解而曲爲之說矣

唐風錫羽王事靡盬傳曰盬不攻致也小雅四牡傳

曰盬不堅固也

朱薇北山箋皆曰不堅固

漢書

堅固也

元照案盬與苦同周禮

天官典婦功

辨其苦良注

云鄭司農讀苦爲盬謂分別其縑帛與布紵之麤

細又典絲注云麤盬之功國語

齊語

辨其功苦韋昭

云苦脆也荀子

王制

辨功苦楊倞注苦謂濫惡者呂

覽

誣徒

從師苦高誘注苦讀如盬會之盬不精致也

史記

五帝本紀

河濱器皆不苦竄正義云苦讀爲盬音

占鹽麤也漢書

匈奴傳上

不備善而苦惡師古曰苦猶

麤也又

禮樂志

夫婦之道苦孟康曰苦音鹽夫婦之

道行鹽不固也又

食貨志

器苦惡如滄曰苦或作鹽

鹽不攻嚴也又與楷同荀子云問楷者勿告也

勸學

又云楷耕傷稼

天論

又云其定取舍楷慢

榮辱

又云忠

信而不楷

富國王霸

又云械用兵革贏楷

議兵

又云芒韌

侵楷

富國

楊注或云惡或云不堅固則知亦與鹽同

也正義乃曰與蠱同引左傳皿蟲為蠱穀之飛亦

為蠱以證傳義可謂迂矣

小雅采芣箋云柔謂脆脆之時釋文云脆音問或作

早晚字非也元照案玉篇肉部脆無阮無怨二切色

肥澤也又音問新生草也一作菟玉篇艸部菟音問

草木新生者廣韻二十問菟脆同字云新生草也脆下

引鄭箋然从艸从囚者皆俗字古唯作免禮記內有

免蕢注云免新生者釋文音問正義云定本作

脰案脰卽藹字其義不符當作便說文訓便爲弱

義與脆同又漢書司馬遷傳樸雖怯與師古曰與柔弱

也玉篇與柔也又俗字有作輓者廣韻二十韻柔

也

白虎通

嫁娶

云姻者婦人因夫而成故曰姻詩云不惟

舊因謂夫也元照案據此則此詩是女更適人而
其夫所賦者与毛異義蓋三家說也鄘風柏舟實
惟我特共姜稱夫之詞也此詩求爾新特蓋斥其
後夫而言

斯干君子攸芋箋云芋當作幬幬覆也

儀禮士喪禮幬用歛衾注

幬覆也

正義云鄭以義言之爾雅無此注也元照案

說文

巾部

云幬覆也与鄭箋合魯頌

閼宮六章

遂荒大東

郭璞爾雅注

釋詁

引作懔懔荒聲相近爾雅

釋言

荒奄

也奄者奄覆之謂箋義亦本爾雅又案漢書

薛宣傳

君子之道焉可懔也蘇林注懔同也兼也

釋言弁同也弁

卽奄字

与奄覆義亦相近懔懔音近通用

釋言懔傲也从巾投

壺無懔無傲从心○皆據釋文

正月昏姻孔云傳曰云旋也左傳

襄廿九年

子大叔引此

詩而繼之曰晉不鄰矣其誰云之杜預曰云猶旋

旋歸之元照案說文云古文雲雲从云象雲回轉

形回轉之義与旋相埒呂覽

園道

雲氣西行云云然

高注云運也周旋運布膚寸而合其說亦可證傳

小宛題彼脊令傳題視也箋云題之為言視睇也元

照案說文目部睇迎視也廣韵十二齊睇遠視也睇與題

同紐杜奚切張刻本睇誤从月旁案睇音都奚切
与低同紐云膺脰强脂音義与睇迥別今改正

又說文見部睇顯也玉篇題視也意經文本作睇或

作題音同偏旁通借作題目又案廣雅一書綜集

古訓而成凡毛傳鄭箋之義訓不見於爾雅者皆

備載之今攷視之一訓釋詁四十七字獨無題字

是張指所見本不詐題矣廣雅有題無睇

小弁舍彼有罪予之佗矣傳佗加也元照案加爲僭

何之義說文

人部

佗負何也从人𠂔聲

又云何僭也廣雅釋詁三

云何擔也小爾雅廣言云何任也

方言七

凡以馱馬駝駝載物者

謂之負佗漢書

趙充國傳

以一馬自佗負師古注佗音

徒何反凡以畜產載負物者皆爲佗此皆可以證

傳義正義云此佗謂佗人也言舍有罪而以罪與

佗人是從此而往加也故曰佗加也元照案說文

卷十下有𠂔部

隸變作它

云𠂔𠂔也上古穴居息𠂔故相

問無𠂔乎或从更作蛇以音義推之他人之他當

作它後人以聲近借用佗字故廣韻七云佗非我
也然非佗字正訓毛傳訓加說文訓負何乃其正
訓也正義於此未析故其說甚迂曲。它篆寫作𠂔說文人部無从𠂔之字故廣韻於
他字云俗

無將大車祇自底兮釋文底都禮反宋劉彝以爲當
作底晉民唐避諱改從氏元照案說文部牝病也
从牝氏聲後傳譌从氏而音亦變白華俾我底兮
底与卑協讀邢支反釋文亦誤从氏故載徐邈都

禮反一音大雅桑柔多我覲瘠瘠亦俗字也釋文

則音武巾反又音昏此皆隨其所从之字依傍爲

音未嘗細核也爾雅

釋詁

疾病也釋文病从氏音祁

支切是矣又載丁禮反一音夫丁禮之音當施之

从氏之字凡从氏者不得有此音也此皆失於契

勘者元照謂底瘠二字皆係傳譌非經典所宜有

至此詩底字當依張衡思元賦作疹

見詩本音七

方与

塵韻相協劉氏之說臆造無稽如其言則釋文之

書成於陳時未嘗从民豈避諱之故耶

徐新田云養原案底

字顧氏詩本音辯之頗詳今細攷之顧說殊未盡然蓋疵乃正字而疵瘠瘠四文皆疵之俗體也說文日部昏字注云从日从氏省一曰民聲是昏字在說文原有兩說非因唐人避諱始改从氏也壯部疵字注云从壯从氏聲兩徐本皆然此殆傳寫之誤當云从壯从昏省聲而其音則為武巾切昏字从氏省又从民故疵字亦可作疵又作疵皆从昏省若不省則竟作瘠瘠矣疵瘠瘠四字說文所無故曰俗體至唐人避諱則凡从民之字皆改从氏故疵亦改疵因避諱而適得其正也或以白華詩疵与卑韵為疑案何人斯俾我祇也毛傳訓病竊意白華之疵亦當作祇後人改从壯仍以祇字讀之遂忘其本音耳

一切經音義

十二○賢愚經十六

引詩憂心且陶金壇段懋堂

先生謂是三家詩憂心且妯之異文抱經先生增

訂王氏詩攷從段說收之鼓鐘之詩元照案古从

旨从甸从由之字展轉相通小雅江漢滔滔風俗

通義

山澤

引作陶陶楚詞

九章懷沙

滔滔孟夏兮史記

屈原

列傳

作陶陶苑柳上帝甚蹈一切經音義

五○等目菩薩所問

經上

引作陶此旨甸通借之徵鄭風左旋右抽清說

文引作搯

手部

此由旨通借之徵鄭箋於苑柳則曰

蹈讀曰悼於鼓鍾則曰抽之言悼也合舉數端則

妯之爲陶灼然明矣

徐新田云養原案尙書大傳帥乃惛鄭注惛喜也惛卽陶

歟

○廣雅

釋言

陶喜也憂也陶之訓憂義本乎此音

義既引詩而繼之曰陶暢也暢達也以暢達訓之失其義矣

瞻彼洛矣韎韐有奭箋韎韐

衍字

者茅蒐染也

說文韎茅蒐染

韋也

茅蒐韎韐

衍字

聲也韎韐祭服之韠合韋爲之元

照案此箋上兩韐字係衍文正義云言古人之道

茅蒐聲如韎韐故名此衣爲韎韐此不知栞正義

文而漫爲之說者也案外傳

晉語七

韎韋之跗注韋

昭云鄭後司農說以爲韎茅蒐染也韎聲也昭謂茅蒐今絳艸也急疾呼茅蒐成韎也漢人讀若之

例有內言外言長言短言急氣緩氣之分韋所云
急疾呼者卽急氣也茅蒐二字急氣讀之其聲爲
𨮒茅蒐之爲𨮒猶登來之爲得不律之爲筆卽開
後來翻切之學者也據韋所引鄭說是鄭以茅蒐
釋𨮒以𨮒釋𨮒以其合韋爲之故名質之士冠禮
注了然矣見下韋發明𨮒聲之義亦簡明之甚韋去
鄭未遠所據自勝唐本。正義引士冠禮注今齊
人名倩爲𨮒𨮒此亦誤讀鄭注也案冠禮注云𨮒
𨮒縕𨮒以縕釋𨮒士縕𨮒而幽衡合韋爲之士染

𨮒縕𨮒

以縕釋𨮒

士縕𨮒而幽衡合韋爲之士染

以茅蒐因以名焉令齊人名蒨爲韎句韎韎之制

似韎案此當以名蒨爲韎爲句韎字屬下李如圭集釋以

韎字爲衍文賈公彥疏曰周公時名蒨艸爲韎艸以此

韎染韋合之爲韎因名韎爲韎韎也賈讀得之○

正義又引駁異義有齊魯之間言韎韎聲如茅蒐

一語韎字亦衍○說文蒐从艸从鬼徐鍇曰今醫

方家謂蒐爲地血食之補血是也故從鬼是許君

不以蒐爲形聲字故釋文於茅蒐字皆音所畱反

也鄭君殆讀從鬼聲故音与韎近

賓之初筵發彼有的釋文作勺云本或作的元照案

說文白部無的字當作的說文日部的明也廣雅釋詁四同

从日勺聲易曰為的周易釋文亦誤从白觀禮匹馬卓上

注卓猶的也釋文的字無音近本亦誤从白以素的一馬為上釋

名首飾以丹注面曰勺勺灼也注此丹於面灼然為

識畢校本作灼蓋標識之使灼然明顯故謂之灼正鵠

之中必以丹表之射義注的謂所射之識是也一

切經音義亦曰的今狀切中珠子書中四見依此解則

与有字文義始諧毛傳訓質質的聲相近的勺音同後人

改昀从白而音亦變爲都歷反非也 ○盤庚若射之有志志識也志

識古今字耳鄭注云張弓屬矢而志在所射恐未

若禮注之當

苑柳上帝甚蹈箋云蹈讀曰悼今幽王暴虐不可以

朝事甚使我心中悼病元照案鄭箋破讀皆有依

據獨此義似近迂曲初疑蹈當作滔乃天降滔德

之義近本誤作愾微之韓詩外傳四所引則果作滔也

又一切經音義五〇等目音引詩作陶元照案江

漢滔滔風俗通義山澤引作陶陶楚詞懷沙滔滔孟夏

今史記屈原列傳引亦作陶陶滔与陶通彌足為證○

荀子榮辱陶誕突盜陶誕卽滔慢之義漢成陽靈臺

碑陰云遵桓陶規隸釋陶卽滔字

縣縮版以載元照案載卽栽字說文木部栽築牆長版

也左傳莊廿九年水昏正而栽杜預以栽為樹版幹又

哀元年楚子闢蔡里而栽說文杜預曰栽設版築鄭

君中庸注曰今時人名艸木之植曰栽築牆立版

亦曰栽而讀栽如文王初載之載又上天之載漢注載讀如栽

書王莽傳下莽立載視事親舉築三下載亦栽也

師古以立而乘車釋之失其義矣

維其喙矣傳喙困也箋同正義云喙之爲困則未詳

元照案方言

二十

殂

殂俗

殂

殂即倦字

廣雅釋詁

極也憊極皆困意外傳

晉語

余病喙矣韋昭注短

氣貌短氣亦困倦之意郭璞注方言引晉語作殂

此其明徵也又廣韻

二十

引此詩作殂云與殂同

案方言

三十

殂極也注江東呼極爲殂倦聲之轉也

殂殂二字皆不見於說文是古字祇从口矣

皇矣求民之莫傳莫定也文選安陸昭王碑皇情眷

癩元照案漢書

敘傳上

班彪對隗囂引此詩小顏本

作莫故其注仍用毛傳李善所據本則作癩宋書

符瑞志

上

引漢書正作癩与李善所據同又三國

志馬超傳進封釐鄉侯策曰兼董萬里求民之癩

明用此詩而亦作癩是漢末傳本已如此矣其出

於三家無疑乃小顏匡繆正俗

一

以作癩者爲末

代文士所改指爲巨謬殆攷之未審也

崇墉言言傳言言高大也箋言言猶擊擊將壞貌元

照案衛風

碩人

庶姜孽孽釋文云韓詩作轍轍長貌

說文

車部

轍載高兒

釋訓戴也戴載古通用即此義

呂覽

通理

宋王

築爲葉帝高誘注葉當作轍帝當作臺葉與轍其

音同詩曰庶姜轍轍高長兒西京賦飛檐轍轍薛

綜注轍轍高貌

魏都賦四門轍轍李善注即引此

毛傳簡略得箋

而明其義亦相近

崧高往迓王舅傳近已也箋近辭也聲如彼記之子

之記元照案近非遠近字也當作迓迓字在說文

丌部云讀與記同經文借作語助往迓猶往矣也

已非已我字也彼其之子內傳

信廿四年

外傳

晉語

皆作

已以己訓近義與箋同漢儒於無義之字皆曰詞
故箋曰詞又漢儒訓故音義相兼凡言讀若者其
字半相通其義半相附聲如記義亦如記表記引
詩作彼記之子○全氏祖望經史荅問錄有一條
可互證

行羣四鏃既鈞舍矢既均傳云鏃矢參亭已均中藝

俗作藝

箋云藝質也攷左傳

文六年

陳之藝極杜預訓

準又

昭十三年

貢之無藝服氏訓極

見正義

外傳

魯語上

貪

無藝也又

晉語八

貪欲無藝韋氏皆訓為極又

越語用

人無藝韋云藝射的也無藝無常所也史記司馬相如

傳藝殪仆徐廣曰射準的曰藝元照案藝卽臬字

說文木部臬射準的今本从白旁誤也臬与槩通攷工記匠

人建國水地以縣置槩注云槩古文臬假借字士

冠禮注云古文闡爲槩周易困卦艱跪說文出部引作

槩𨔵又𨔵或作藝瓦部是其徵也藝槩皆从藝聲攷工

記輪人注槩從木熱省聲元照案熱亦从藝聲古字艸木偏旁多通用也

槩說文作𨔵又或作𨔵謂藝乃𨔵之省文亦可○

又案藝艸木不生也从艸執聲与从藝者異說文

艸部無从執之字

卷阿伴與爾游矣箋伴與自縱弛之意也元照案伴

與卽皇矣之畔援也鄭彼箋云畔援猶跋扈也蓋

縱弛本安佚之意而安佚之極者卽成跋扈其義

相因古人不以義訓之輕重而異其詞所謂言非

一端而已漢書

敘傳下

項氏畔換乃用皇矣文

小顏引詩

作畔

玉篇

部人

又引作伴換伴畔皆从半聲偏旁通

借援換二字義亦相同說文

手部

換易也左傳

僖十五年

作爰田服氏云爰易也外傳

晉語三

作轅田賈侍中

亦訓轅爲易

爰袁亦通

史記

酷吏列傳張湯

有爰書蘇林訓易

韋昭訓換字我同故通用也魏都賦雲撤叛換劉

達注叛換猶恣睢也

劉引漢書作叛

亦用鄭義

段懋堂先生云公羊

傳換土易居孟子

注作爰土易居

板及爾出王傳云王往正義曰以王与出其文故爲

往也元照案王之訓往音義相兼傳記足徵正義

非矣外傳

吳語

王總其百執事賈侍中曰王往也春

秋攷文耀王者往也

藝文類聚十一引

白虎通

號

王者往

也天下所歸往漢書

荆法志

歸而往之是爲王矣說

文王天下所歸往也釋名

親屬

祖謂之王父王睢也

家中所歸睢也諸如此類正義一不引證何歟

周頌天作彼祖矣岐有夷之行說苑

道君

韓詩外傳

三

俱引岐有夷之行

孫侍御云志祖案爾雅釋詁夷易也邢疏亦引詩岐有夷之行

玩鄭箋語亦以岐屬下句毛韓讀法殆同後漢書

西南夷傳朱輔上疏曰臣聞詩云彼祖者岐有夷

之行字句皆異注引韓詩薛君傳徂往也

薛傳與鄭箋同

元照案沈括夢溪筆談

藝文

云朱浮傳作彼岵者岐

困學紀聞云蓋誤以朱輔爲朱浮亦無岵字以元

照攷之以輔爲浮誠沈之誤然傳中徂字實譌當

從筆談改岵岵與阻通漢書

訓通傳

鞏洛岵山河又

敘傳

皆恃其岵卽阻字也

隸釋四引蜀都賦岵以石門今文選作阻輔

疏又引傳曰岐道雖僻而人不遠又云今白狼王

唐菽等慕化歸義路經邛來大山零高坂峭危峻

險百倍岐道

云

則引詩正以言岐之岵險也不

合作徂章懷引韓詩傳亦失之未審

昊天有成命於緝熙單厥心肆其靖之傳從國語

周語

上

訓熙爲廣肆爲固箋曰廣當爲光固當爲故字

之誤也正義曰箋以外傳之訓與爾雅皆同而釋
詁云熙光也肆故也則是聲相涉而字因誤故破
之元照案外傳叔向說此詩云其終也廣厚其心
而固飭之是外傳未嘗有譌字不得據爾雅以破
之箋自爲說則云旣光明矣又能厚其心矣爲之
不解倦故於其功終能和安之其義亦與外傳不
同則是傳依外傳箋改傳以從爾雅各不相謀然
毛從外傳立義而鄭君乃謂其字誤未之詳也

周語載叔向論昊天有成命之詩曰是道成王之德

也成王能明文昭能定武烈者也其爲指成王誦
而言無可疑者韋注云文武修己自勤以成其王
功非謂周成王身也賈鄭唐說皆然又云是詩道
文武能成其王德元照案新書亦載叔向之言曰
成王者武王之子文王之孫文王有大德而功未
就武王有大功而治未成及成王承嗣仁以臨民
故稱昊天焉又曰成王質仁聖哲能明其先能承
其親不敢惰懈以安天下以敬民人其言与外傳
相表裏而語意倍明漢儒不据新書故誤解外傳

之意至朱子集傳始從歐陽本義定爲祀成王之
詩詩序辯說反復駁難韋注其論良是惜亦不及
援據新書故未免詞費唯困學紀聞曾論及之

絲衣序繹賓尸也高子曰靈星之尸也正義云子夏
作序唯此一句而已後世有高子者別論他事云
靈星之尸言祭靈星之時以人爲尸後人以高子
言靈星尙有尸宗廟之祭有尸必矣又云靈星者
不知何星漢書郊祀志云高祖詔御史令天下立
靈星祠張晏曰龍星左角曰天田則農祥也晨見

而祭之史傳之說靈星唯有此耳元照案靈星非
星名也靈星之祀肇自漢初則高子不應以漢事
證周詩且又安知非孟子同時之高子而以爲漢
人乎元照謂靈星之尸蓋古語也淮南子

主君人術

之道其猶零

零靈通用

星之尸也儼然元默而吉祥受

福高誘但云尸祭主也引詩公尸宴飲在宗載考

證之不釋零星之義大氏零星之尸卽詩之公尸

也故鄭君亦不之釋

臧在東云古有此語漢人熟知無煩詳也

孔氏誤

認作星名又言祭星時以人爲尸說殊悠謬攷漢

書獨斷風俗通義

祀典論衡意祭

後漢書

高句驪傳○作零星續

漢書

祭志下

諸書言靈星之祀未有言立尸者

錢先生云

援引淮南極精

許子詠云宗彥案靈尸之尸即

釋賓尸竝非兩說

所以稱靈星者釋祭在廟門之

旁靈星即指廟祭在廟門旁而事尸在堂故稱賓

尸為靈星之尸至門所以名靈星龍城札記詳之

矣

釋文引徐整云子夏授詩於高行子王伯厚

以為即詩序及孟子所謂高子是也韓詩外傳二

又載高子與孟子論詩問荅語其人私淑孔氏為

戰國時治詩老師孟子稱之曰安蓋年長而有德

者其緒論流傳未可因孟子病其固而遽輕之也

盡心篇之高子乃孟子弟子非高交也困學紀聞誤合而一之梁曜北云韓詩外傳之高子疑是孟子弟子非高交也王繩人表攷有說

顏氏家訓

書證

云駟駟牡馬江南書皆作牝牡之牡河

北本悉爲放牧之牧釋文作牡云說文同正義作牧云定本作牡唐石經初刻牡後改牧元照案小序及傳箋皆有牧于垆野之文則作牧爲正安有有牡馬而無牝馬之理顏氏江南人世習南學故其意以河北本爲非

說詳本書

陸德明亦南學也故釋

文作牡孔穎達本北學而改從南者故正義間用

河北本

有驪有魚傳云豪𦣻曰驪正義云驪爾雅無文元照

案說文

馬部

驪馬豪𦣻也卽此義驪驪二字之義說

文與爾雅毛傳互異驪馬黃脊者爾雅以爲驪說文以爲驪馬豪𦣻者毛傳以爲驪說文以爲驪蓋古今文之家學不同也𦣻𦣻聲同通借

娛親雅言卷三

歸安閣

三禮 大戴禮增

周官天官疾醫參之以九藏之動注云正藏五又有
胃旁胱大腸小腸疏云膽三焦非正府不在九藏
之數熊氏 朋來 經說云旁胱卽小腸也當是合胃
膽大小腸爲九元照案外傳 鄭語 建九紀以立純德
韋注九紀九藏也正藏五又有胃旁胱腸膽也合
大小腸爲一藏而以膽當其一說較勝鄭熊氏不

據此而造臆說謂一刀肱卽小腸而不知刀肱不與小腸相屬也

地官媒氏仲春之月令會男女於斯時也奔者不

若無故而不用令者罰之注云重天時權許之也

又云無故謂無喪旤之變也有喪旤者娶得用非

中春之月元照案不備禮而成婚謂之奔詩

標有梅

求我庶士迨其謂之傳曰不待備禮也三十之男

二十之女禮未備則不待禮會而行之者所以蕃

育人民也箋曰不待禮會而行之者謂明年仲春

不待以禮會之也時禮雖不備相奔不禁毛鄭之義皆用周官鄭君注禮不如箋詩之詳悉疏乃謬爲之說曰若有不娶不嫁之者自相奔就亦不禁之豈理也哉

又司男女之無夫家者而會之注司猶察也無夫家謂男女之鰥寡者元照案大司徒以荒政十有二聚萬民十曰多昏注多昏不備禮而娶昏者多也

詩小序

衛風有狐

云古者國有凶荒則殺禮而多昏會

男女之無夫家者所以育人民也媒氏所掌正荒

政之一賈氏前後都失檢照故一不援引

遂人以時器勸畝注時器鑄作耒耜錢鏹之屬元照案堯典播時百穀鄭注時讀曰蒔愚謂時器亦當讀爲蒔蒔器種蒔之具也遂大夫職云簡稼器注稼器耒耜鎡基之屬蒔器卽稼器也

草人鹹瀉用貍注貍猶也疏曰案爾雅云貍子貍爾雅

作貍或曰貍爾雅無此三字故以貍猶爲一也元照案爾雅

釋貍今本作貉茲依釋文兩通子貍猶子貉毛詩箋魏風伐檀云貉

子曰貍遵用雅訓未嘗不同而此復以貍爲猶者

何也攷爾雅又云狸狐獬獬醜醜之爲言類也獬
獬二物相類則獬之子亦獬之類矣鄭意以獸之
小者不宜殺以糞田故舉其類言之不必增改雅
訓而強爲之說也

臧在東云賈所据爾雅作獬字
或曰獬者謂獬字本或作獬耳

春官司常師都建旗州里建旗縣鄙建旐注師都六
鄉六遂大夫也州里縣鄙鄉遂之官互約言之疏
云互約言之者遂之里是下士得與鄉之州中大
夫同建旗則知鄉之閭亦得與縣之遂同建旐也
遂之鄙得與縣同建旐鄉之黨亦得與州同建旗

毛本誤旃

可知是互也言約者鄉之族上從黨同建旃

比上從閭同建旄也遂之鄩

毛本誤鄰

上從鄙同建旒

鄰上從里同建旗是約也元照案毛詩正義

鄰風干旌

引此經注而釋之曰州里建旗則六鄉內州長黨正及六遂內鄩長里宰鄰長等五人同建旗也縣鄙建旄謂六遂內縣正鄙師及六鄉內族師閭胥比長等五人同建旄故鄭云互約言也孔賈兩疏皆由推測而得義無大異唯族師鄩長所建旄旒不同耳鄭無明文唯宜兩存孔氏爲互約之圖

於毛詩正義疏中有圖僅見於此徐新田云養
 中有圖者原案遂人注以南畝圖之云云此注
 而今止矣毛刻本行款參錯今更定其圖於左并
 圖賈疏以備參訂

鄉旗
 州旗 黨旗

孔圖
 族旐 閭旐 比旐毛本誤旌

遂旗
 縣旐 鄙旐

鄼旗 里旗 鄰旗

鄉旗
 州旗 黨旗 族旗鄉之族上從黨同建旗

賈
 閭旐 鄙旐

圖

遂旗

縣旐

鄙旐

鄼旐

遂之鄼上從鄙同建旐

里旗

鄰旗

又師都建旗元照案師乃帥之譌也說文

旗部引作

率都率帥古今字賈疏以師為眾恐非

冬官輪人揉輻必齊注揉謂以火槁之元照案說文

手部無揉字當作爍說文爍屈申木也與鄭注合

易繫辭

下揉木為耒

漢書食貨志上

引作爍師古曰爍

屈也愚謂木之直者以火爍之使曲曲者爍之使

直故曰屈申木也愚氏周易述從俗作揉且為之

注曰手以撓之是證成其謬矣

說文火部燎下引燎牙外不燎

矢人則雖有疾風亦弗能憚矣注曰鄭司農讀憚之

以威之憚謂風不能驚憚箭也故書憚作但元照

案憚當訓難方言

七

憎懷憚也廣雅

釋

憎懷憚難

也國語注

晉語

憚難也

宋氏補音難乃旦切

又方言

六

蹇展

難也齊晉曰蹇山之東西凡難貌曰展荆吳之人

相難謂之展若秦晉之言相憚矣廣雅

釋詁

蹇展

憚難也說文

心部

憚忌難也元照謂今人責人以其

所不能曰難弗能憚者弗之能難也又案方言

三十

憚怛惡也注曰心怛懷亦惡難也怛憚義同但怛古今字耳

周禮疏前有序周禮廢興一篇此非賈氏特作此文以冠篇首者乃後人從疏錄出妄題之曰序周禮廢興也元照以儀禮校之首篇先小題士冠禮第一則爲之疏次大題儀禮又爲之疏次鄭氏注又爲之疏周禮當與之同乃今唯天官冢宰上及鄭氏注有疏而大題周禮無疏蓋卽序廢興之篇也而毛刻本并大題周禮二字刪之尤誤矣

疏體於注經之人所作之序皆隨爲之疏尙書三傳
論語孝經皆然宋人疏論語爾雅者遵之卽孟子
之疏雖刪其篇叙亂其章指而於題辭亦未敢棄
獨賈氏之疏周禮不疏鄭君之序馴至散失今可
見者唯疏中所引數語深可惜也

媿古美字見周禮不見於他書說又亦無之元照案

媿卽媿字說文媿順也讀若媚古微尾音近通用

堯典鳥獸孽尾史記作字微論語微生高莊子

盜距

國策

韓

漢書

古今表

作尾生此其徵也詩誰侑予美

陳風韓詩美作媼

釋文

又案古眉微亦通用故媼字

義與媼媼等皆相近

士冠禮主人戒賓賓禮許主人再拜賓荅拜主人退

賓拜送前期三日筮賓元照案所戒之賓主人之

僚友非止一人所筮之賓筮其可使冠子者乃正

賓也卽於所戒之賓擇其吉者

張氏鄭注句讀說

疏因注

有賢者恆吉之文乃爲之解曰凡取人之法先筮

後戒今以此賓是賢者必知吉故先戒賓方始筮

之以其賢恆吉故先戒後筮之也此恐誤會注意

果如疏言似戒賓卽戒冠子之賓而筮賓之舉乃爲具文不幾流於虛僞乎

冠禮昏禮聘禮皆有建柶近本於冠禮獨誤作捷柶唯唐石經作建顧氏金石文字記張氏鄭注句讀轉以石經爲非殆未攷昏聘二篇歟士喪禮云宰洗柶建于米亦一證也又案冠禮注曰捷醴于柶中釋文云捷初洽反本又作插亦作扱或据此疑經文作捷而不知釋文爲注作音也賈本注中捷

字作扱

士昏禮注建猶扱也

局甬二字禮經屢見士冠禮注曰今文局爲鉉古文

甬爲密士昏禮注曰局所以扛鼎甬覆之此鄭本

也若許君所据則異於是說文鼎部甬以木橫貫耳

而舉之周禮廟門容大甬鄭本作局亦七箇卽易玉鉉

大吉也又金部鉉舉鼎具也易謂之鉉禮謂之甬是

二禮局字許本皆作甬其覆鼎之物蓋當作幘說

文巾部幘覆也从巾冥聲周禮有幘人元照案釋文

於周禮禮記幘字皆作冪與正體小異非誤也獨

於儀禮則皆作甬自此幘字遂廢而冪甬參錯難

稽

周頌絲衣箋有舉冪字釋文云木亦作冪張參五經文字序云冪冪同物禮經相舛

後人

誤會謂儀禮局冪之冪卽說文鼎部之冪遂疑許

君不當以覆鼎之冪爲舉鼎之具乃強謂鼎部本

有冪冪二文一从冪

莫狄切

一从冪

古熒切

从冪者爲

鼎覆从冪者爲鼎鉉皆由不知冪之當爲幘耳○

惠氏禮說

四

云說文冪覆也冪從鼎爲冪則冪非

覆鼎之物乎以覆爲舉則又何說愚謂冪从冪聲

於六書屬形聲不屬會意指事故說文不曰从鼎

从冪亦聲而直云从鼎冪聲也皂部有冪字亦

從門聲而其訓爲飯剛柔不調相箸於義亦無取也且鄭本作局局之本訓爲外閉之關於扛鼎之義又何取乎

士昏禮納采納吉納徵納之爲言致也

曲禮入也廣雅

釋詁

三初無漢義疏云言納者恐女家不受若春秋

內納之義納采言納者以其始相采擇恐女家不許故言納問名不言納者女氏已許故不言納也納吉言納者男家卜吉往與女氏復恐女家翻悔不受故更言納也納徵言納者納幣帛則昏禮成

復恐女家不受故更云納也請期親迎不言納者
納幣帛則昏禮已成女家不得移改故皆不言納
也元照以其說攷之於古而無徵納采問名之後
女家猶可翻悔得毋近於兒戲乎且一則曰納幣
帛則昏禮成復恐女家不受再則曰納幣帛則昏
禮已成女家不得移改此矛盾之論也言非一端
而已春秋儀禮無妨別解奚必強而合之乎案白
虎通嫁云昏禮請期不敢必也信如疏說則請期

正當言納

又舅饗從者以一獻之禮酬以束錦姑饗婦人從者
酬以束錦注古文錦皆作帛疏云禮有玉錦非獨
此文則禮有贈錦之事故不從古文也元照案從
古文作束帛爲長下文云若異邦則贈丈夫從者
以束錦言贈異邦以束錦欲以別上束帛故言則
也疏亦不能了鄭意

鄉射禮賓朝服以拜賜于門外主人不見如賓服遂
從之拜辱于門外乃還元照案賓朝服至門外拜
賜主人亦朝服從賓于門外拜賓之辱不見者不

進而見之也命之進見又必有揖讓之文故鄭以
不見爲不褻禮也

大射儀中離維綱注云或曰維當爲絹絹綱羣經音辨作綱

耳釋文絹劉侯犬反又于貧反一音占縣反錢少詹云

占疑古又古犬反元照案依侯犬古犬二音字當

从冑依于貧占縣二音則字當从員釋文每不辨

文字之異而兩存其音滋足致惑此亦其一也据

說文則从員爲正說文系部綱持綱紐也从糸員聲

周禮曰綱寸許所引周禮冬官梓人文也彼文云

上綱與下綱出舌等緝寸焉先鄭云綱連侯繩也

緝籠綱者絹讀爲竹中皮之緝

錢少詹云大昕案竹中皮卽禮記竹

箭有筠之筠說文無筠字

此注云綱耳與先鄭義同故疏中亦

引梓人爲證

近本疏引梓人亦作絹元照以宋景德本及要義改正

周禮釋

文緝于貧反或尤粉反劉侯犬反一音古犬反釋

文於周禮作緝於儀禮作絹各載兩音並不契勘

疎矣羣經音辨

五

云絹綱耳也亦爲陸氏所誤

卷服注曰布八十縷爲一升升當爲登登成也疏云

凡織紵之法皆縷縷相登上乃成絹布元照案注

所言者經也疏則誤言其緯司馬氏書儀呂氏鄉
約不知升之義乃云今布無升數殊不然也吳仁
傑兩漢刊誤補遺云今織具曰筵者每筵用六成
七成多至十五成以止以成之多少爲布之精麤
大率四十齒爲一成而兩縷共一齒正合鄭義麤
者齒縷用一縷則是六成實三成耳由吳說推之
斬衰章冠六升則二百四十縷也衰三升則百二
十縷較之於冠則倍麤矣大功布九升小功布十
一升總麻十五升服輕則布細以升數之多寡係

服之重輕也

毳服傳云總者十五升抽其半有事其縷無事其布

曰總襍記

上

云朝服十五升去其半而總注去其

半則六百縷而疏也元照案去其半者謂去千二

百縷之半也其筵之齒仍六百與縷數同朝服之

布千二百縷用六百齒之筵總布以六百縷用六

百齒之筵故云有事其縷也陳埴木鍾集

論語

云十

五升去其半世俗以爲七升半不知乃是一眼筵

用一縷如今單串黃草布此說甚明否則十五升

去半則僅七升半反纚於大功小功之布矣

徐新田云

養原案朝服之冠皆千二百齒兩纚共一齒則二千四百纚也十五成者齒數三十成者纚數其實一也至總麻之去半則何也意者吉事用全凶事用半用全者千二百齒而得二千四百纚也用半者六百齒而得千二百纚也鄭云六百纚者亦計齒數并兩纚為一纚也蓋用千二百齒之冠間一齒用之每齒仍兩纚也總麻去半則小功以上皆去半記不言者省文耳否則終無解於小功反精此義殊不了

野人曰父母何算焉元照案三蒼算選也

一切經音義四寶雲

經第六引說文

部

選擇也野人言父母竝尊焉已爾何

必於其中選擇尊卑乎又案詩

邶風柏舟

威儀棣棣不

可選也朱穆絕交論引作筭論語

子路

斗筭之人何

足筭也漢書

車千秋傳贊

引作選鹽鐵論

十二稜論

亦云斗

筭之人道諛之徒何足選哉是筭選通用之證

器服傳謂出子夏之手元無明文故疏明作傳之人

而云傳者不知誰人所爲人皆云孔子弟子卜商

字子夏所爲若舊題有子夏傳三字則賈不容先

云不知誰人矣釋文無此三字唐石經有者細審

乃是增入殆乾符時修改非開成元刻也自經傳

通解後之本皆沿其誤又此篇題器服經傳六朝

舊本皆然釋文石經亦同石經後磨去經傳二字
非也所增所刪皆不知何据

士器禮牢中旁寸注今文牢

毛本誤樓

爲纓釋文不出纓

字之音蓋以上文纓中字已有音故不別出也元

照案此文當从憂憂奴刀反與牢音同憂憂形近

每易溷淆說文

牛部

犍牛柔謹也此馴犍字又

手部擾

亂也此煩擾字後來皆誤作手旁憂而音亦音改

爲而小切甚誤

纓纓二文皆不見於說文

又帶用幹賀之結于後注賀加也元照案方言

七羸

膺賀觴檐也義與鄭同賀从加聲加與何音同通

用爾雅釋荷芙渠其莖茄樊光注引詩有蒲與茄

今詩作荷揚雄反離騷矜芰茄之綠衣兮師古曰

茄亦荷字見張揖古今字詁漢朱鷺曲鷺之飛食

茄下茄亦荷也他篇何瑟之文屢見賀何一也

少牢饋食禮翽壽萬年注古文睂爲微元照案春秋

左氏經築鄒莊廿九年二傳作微爾雅釋地谷者澌釋文

云本又作澌又釋水艸交爲澌釋文云本或作澌

睂微聲音皆同故通用

儀禮疏本五十卷自明人陳鳳梧

宏治九年進士

合刻注疏

始并省爲十七卷而賈氏之元第遂失其宋景德中所刻單行疏本尙有流傳可以攷正而中闕

十至十六卷則當据魏氏了翁要義參訂其每卷之起訖可以盡得要義第二十六卷分爲上下兩卷此則出自魏氏非賈之舊也

曲禮

上

分母求多釋文分扶問反元照案正義云分

母求多者此元是眾人之物當其分之人皆貪欲望多人故戒之云所分之物母得求多也孔作如

字讀較勝於陸

又母勦說注勦由

今本作猶從曹
憲廣雅音所引

孽也謂取人之說

以爲已說釋文勦从刀廣雅

釋詁

勦取也與鄭義

合又勦勞也是从力者別爲一字然說文刀部無

勦字元照案當作鈔說文

金部

鈔又取也論語

陽貨

微以爲知者孔安國曰微鈔也惡鈔人之意以爲

已有也邢疏引禮爲證○甘誓天用勦絕其命當

從說文所引作剝

又入門而問諱正義云問諱而以門爲節者主人出

至大門外迎客客入門方應交接故以門爲限也
元照案問諱當在主人未出介紹將命之時問之
於介紹也若主人見而後問則介紹將於主人之
前犯其所諱矣豈禮也哉入門謂至門之頃上云
入竟入國此順文而云入門耳不可泥也

檀弓

下

載延陵季子葬子孔子往而觀葬注云往弔

之經不言弔而注云弔者孔子兄事季子於其子
之死正所謂弔而不傷者也觀葬而不弔邈若秦
越則所以待季子者且下於舊館人矣若孔子之

罍自燕來觀者此則專爲觀禮而來而非弔也同
一觀葬而或注或不注鄭氏義例之精如此

王制夫圭田無征注夫猶治也正義不申此義元照
案孟子舉舜而敷治焉趙氏曰敷治也書曰禹敷

土治土也夫敷音同或可通用歟○孟子章句

滕文

公問爲國章引王制以夫爲餘夫

月令注洒熟曰酋元照案呂覽

仲冬

注酋醞米糴使之

化熟故謂之酋說文

酋部

酋繹酒也繹之爲義卽郊

特牲蓄澤之澤鄭彼注云澤讀爲醴

說文無醴字

又周

禮

天官注昔酒今之酒久白酒所謂舊醅者也釋

名飲酒酉也

說文酉就也

釀之米麴酉澤

即言

久而味

美也其義皆可與鄭義相發明周禮注云事酒今

之醕酒也昔酒所謂舊醅者也析而爲二說文所

云釋酒則總言之

臧在東云此所謂對文則與散言皆通也

王制虞庠在國之西郊注周立小學於西郊許周生

宗彥

云經注兩西字皆四字之譌攷文王世子正

義云郊西郊也周以虞庠爲小學在西郊今天子

親視學於其西郊考課論說於西郊之學以西方

成就之地故也則唐初本已譌當以北史劉芳傳
正之元照攷劉芳傳云自周以上學唯以二或尙
東或尙西或貴在國或貴在郊爰暨周室學蓋有
六師氏居內大學在國四小在郊禮記云周人養
庶老於虞庠虞庠在國之四毛本如此魏書劉
芳傳仍誤作西郊
禮又云天子設四學當入學而太子齒注云四學
周四郊之虞庠也大戴保傅篇云帝入東學尙親
而貴仁帝入南學尙齒而貴信帝入西學尙賢而
貴德帝入北學尙貴而尊爵帝入大學承師而問

道周之五學於此彌彰案鄭注學記周則六學所以然者注云內則設師保以教使國子學焉外則有大學庠序之官此其證也漢魏以降無復四郊謹尋先旨宜在四門又柳宗元四門助教廳壁記云周人置虞庠於四郊以養國老教胄子祭統曰天子設四學蓋其制也則柳所据本亦作四下又引易傳太初篇大戴保傳篇爲證又云後魏太和中立學於四門卽劉芳傳事据此則西字之誤甚明正義承譌附會其於祭義之四學謂爲虞夏殷

周四代之學則又顯與注違矣唯皇氏謂四郊皆

有虞庠

祭義正義引

其說最合

盧辯注大戴云四學

者東序瞽宗虞庠及四郊之學其說不可曉恐有

譌脫

徐新田云養原向讀祭義天子設四學注四

譌與

周生之意相左當竝存以俟攷又云要之四

郊西

郊記文錯見注疏望文為說本無定論玉海

引三

禮義宗云西郊亦四郊之一故曰四郊唯有一

郊有

虞庠此則梁時已作西郊不得据劉芳一

家之

言斷古本皆作四也

內則擇於諸母與可者注可者傳御之屬也儀禮注

服引亦作可釋文無音孔賈兩疏俱無說列女傳

節義

有此文獨作阿段先生

王裁

云齊孝孟姬楚

平伯羸兩傳

貞順

皆言保阿

案續傳霍夫人顯傳亦有之

內則可

者當從傳作阿元照案史記范雎傳不離阿保之手倉公傳故濟北王阿母服虔云乳母也鄭云滋已者索隱云是王之姪母也漢書丙吉傳嘗有阿保之功蓋阿保一義湯號伊尹曰阿衡阿倚也大甲改號曰保衡保安也

皆用鄭注尚書

兩義相因阿之爲

可古字省也後儒以可爲女師解之失之遠矣

玉藻禮已三爵而油油注油油悅敬貌元照案油油

卽愉愉也油愉聲相同故其義同儀禮注

聘禮愉記

愉和敬貌孟子由由

由油通用玉藻釋文云油一本作由

然與之偕

韓詩外傳

三

愉愉然不去也皆言柳下惠事此通

用之徵

又親瘠色容不盛此孝子之疏節也注云言非至孝也王季有疾文王色憂行不能正履正義云謂親之病當憂愁危懼行不能正履也今唯色容不充盛而已不能顛顚憂愁危懼此乃是孝子疏簡之節言孝心不篤也元照謂人子事親文至而情不

至雖謂之非孝可也豈特疏簡而已愚謂疏節一
句乃統承上兩節言之疏當訓達訓通疏節猶言
通義耳色容不盛明與文王色憂一例亦未容說
輕許周生云宗彥案注自不誤疏誤耳至孝猶云
大孝王之行不能正減在東云疏節謂大槩皆如此耳若父
履則至孝矣

少儀遇於道見則面注可以隱則隱元照案史記項

羽本紀馬童面之如渫云面不正視也漢書張敞

傳

循吏

爲涕泣面而封之如渫云不正見若不見者

也師古云面謂脣之言不忍視之又夏侯嬰傳面

雍樹馳師古曰面脩也皆用禮記字法

樂記五成而分周公左召公右山井鼎攷文云古本

分下有陝字元照案史記樂書有陝字王肅云分

陝東西而治毛詩正義

周南召南譜

云樂記說大武之

樂象伐紂之事云五成而分陝周公左而召公右

孫監察云志祖案家語辯樂解亦有陝字

此似可爲古本之證然案鄭

注止云分職不云分陝正義云五成而分周公左

召公右者從第二位至第三位分爲左右象周公

居左召公居右也則孔本無陝字五經正義不出

一手其所据本不能畫一故毛詩所引又有陟字

祭義夫孝置之而塞乎天地盧辯注大戴云置猶立

也

曾子大孝

元照案置植皆从直聲古者置植同字書

金

植壁秉珪鄭注植古置字詩

商頌

置我鞀鼓箋

置讀曰植論語

微子

植其杖而芸漢石經作置說文

木

植或从置作權莊子

外物

木之倒植者釋文云

立也本亦作置

史記屈賈傳聖賢道也

方言

七又

植立也如盧說則此句從言之下句乃橫言之也

正義解爲措置不若盧注爲當

中庸君子之道費而隱注費猶俛也道不費則仕釋

文云本又作拂同元照案詩

大雅皇矣

四方以無拂大

學是謂拂人之性鄭君皆云拂猶俛也攷俛與詭

同當訓違訓戾拂又作佛曲禮士獻鳥者佛其首

注佛戾也樂記其求之也佛釋文云本又作拂正

義云佛戾也正體當从口作𠵽說文口部𠵽違也

費拂佛皆偏旁通借

又人道敏政地道敏樹注敏或爲謀元照案敏从每

聲謀从某聲每某一聲之轉

又生乎今之世反古之道如此者裁及其身者也注
反古之道謂曉一孔之人不知今王之新政可從
正義云此謂尋常之人不知大道若賢人君子雖
今時能持古法故儒行云今人與居古人與稽是
也元照案經文承上愚賤而言非槩論也正義闡
發斯爲允當大戴禮哀公問五義孔子曰生乎今之世
志古之道居今之俗服古之服舍此而爲非者不
亦鮮乎得正義之說而後大戴與中庸不相矛盾
許周生云宗彥案鄭注極精細下又引夫子之言云吾學周禮今用之吾從周鄭注從字卽爲下文

起義夫子從周何
嘗以愚賤自處哉

表記憊而愚注少詐諉也釋文云諉詐也忘也正義
云爾雅釋訓云菱諉忘也則忘字亾下著心今與
詐相對則諉是詐之義當亾下著女也元照案爾
雅訓諉爲忘以釋詩永矢弗諉終不可諉之義諉
之訓詐見於說文說文本諸公羊傳公羊諉字屢
見何劭公皆訓詐正義不引公羊說文而欲改雅
訓以證注失之矣釋文牽引忘也一訓亦非錢先
說文亾止也一日亾也从亾一是亾本有亾義詐
从亾言之詐者以亾爲有以有爲亾其義本相因

故諷訓忌
亦訓詐

又情欲信辭欲巧注巧謂順而說也正義云言君子
情貌欲得信實言辭欲得和順美巧不違逆於理
與巧言令色者異也元照案詩小雅兩巧言如流

箋巧猶善也正義云人雖正直性有巧拙表記云

辭欲巧是正言亦欲巧但人有不能耳正義此論

最精又左傳

昭八年

叔向引巧言如流以美師曠杜

預云巧言如流謂非正言而順叙以聽言見荅者

言其可嘉以信而有徵自取安逸又案大戴禮

子曾

事父 孝子唯巧變故父母安之巧亦善也後儒執

巧言令色鮮矣仁之論而以表記此文謂決非孔

子之言過矣若詩小雅巧言如簧論語衛巧言亂

德則與此義異錢先生云皋陶謨已有巧言令色

豈一端而已後儒之論所謂知其未

徐新出云養原案令色亦有作美辭者然民詩令

儀令色是也春秋書

法美惡不嫌同辭 潛夫論本云巧言如流俾

躬處休蓋言衰世之士佞彌巧者宜彌尊也義異

於鄭後儒說詩所本

大學自天子以至於庶人壹是皆以脩身爲本其本

亂而末治者否矣其所厚者薄而其所薄者厚未
之有也此謂知本此謂知之至也此節在所謂誠
其意者之前乃申說致知在格物之義致知之致
注云或爲至明知至卽致知也誠意正心皆修身
之要務故曰皆以修身爲本而不曰以誠意正心
爲本也本所厚者也末所薄者也身不修而能齊
家治國平天下者未之有也能知其本斯知之至
者經義初無闕漏惜鄭注寥寥數語正義亦無所
發明遂啟後人疑議耳

又瑟兮僖兮者恂慄也注恂字或作峻讀如嚴峻之

峻郭璞爾雅注亦從鄭讀見釋文元照案恂峻音近

通用詩商頌為下國駿龐大戴禮衛將軍引作恂

蒙論語孔子於鄉黨恂恂如也漢祝睦碑云鄉黨

逡逡史記李將軍傳贊悛悛如鄙人索隱云漢書作恂

恂

大戴禮王言上樂施則下益諒元照案爾雅釋詁詔亮

左右相道也詔相道左右助勵也亮介尙右也左

右亮也小爾雅廣詁涼助佐也詩大雅涼彼武王傳

涼佐也釋文云本亦作諒

正義作諒

韓詩作亮云相也

正義云亮諒義同是諒之爲言佐助也言上有樂

施之君則下民相感而相佐助也孔檢討

廣森補

注訓諒爲誠恐未精

哀公問五義不能選賢人善士而託其身焉以爲已

憂元照案此十六字當爲一句賢人善士可以身

託之故堯以不得舜爲已憂舜以不得禹皋陶爲

已憂也其不能以選賢爲已憂者斯庸人矣荀子

哀不知選賢人善士托其身焉以爲已憂楊倞注

不知托賢但自憂而已楊簡先聖大訓云親近小

人故致憂患

孔氏補注用此說

說皆未允又案韓詩外傳

四亦有此文云不知選賢人善士而托其身焉

又躬行忠信其心不置

宋本譌買

荀子

哀作

不德文王官

人篇有施而不置逸周書

官人

作德元照案易繫辭

上有功而不置鄭注置當為德鼂說之案古文德

類置字因相亂又案官人篇置義而不遷置即植

字當訓為立置方而不毀當從周書作直古今字

耳

許周生云宗彥案古者置植同字而與德字往

徃相亂玉藻立容德亦植之譌徐新田云養

原案立容德
徐仙民音置

保傳過闕則下補注云闕卽闕字元照案字書不見

闕字疑闕之譌廣雅釋詁三闕空也曹憲音口決反

玉篇云闕闕無門戶也闕闕音相近釋名宮室云闕

在門兩旁中央闕然爲道也則義與闕相近闕字

當是大戴本文其或有作闕者後人据新書改耳

又九合諸侯一匡天下再爲義王元照案新書作稱

爲義主稱譌爲再說文再譌爲再當以新書爲正

盧辯注云陽穀與召陵也解再字未允又文王官

人篇敬再其說逸周書作亟稱

臧在東云義王亦當從新書作義主

下主
爲韻

曾子立事疾其過而不補也又云補則不改矣元照
案有過而懼爲人所見乃爲之補苴不以罅漏貽
譏於人此之謂補補卽文也與仲山甫補之義殊
文過之人必非能改過之人故曰補則不改矣盧
注補謂改也改字譌 文王官人篇防其不足防
補一也

又飾其美而不伐也元照案易襍卦傳蠱則飭也鄭

王本作飾

雅文

唐石經亦作飾樂記合情飭貌釋文

云本又作飾又復亂以飭歸史記

樂書

作飾詩

小雅六月

戎車既飭文選注

五引

及唐石經皆作飾莊子

漁父

飾禮樂釋文云如字本又作飭音勑本書勸學篇

不飾無類家語

致思

作飭說苑

建本

見人不可以不飾

不飾則無根家語

致思

亦作飭呂覽

貴公

日醉而飾服

又

難舉

難爲非則行飾高誘皆讀曰勑釋名

書契

勑飾

也使自警飾不敢廢慢也

畢校

本疑飾義不是飾

類乃改爲飭非也

卽飭字飾美者有美而自飾治也非虛飾之謂至

文王官人篇不飾其義此則言虛飾與此不同

又君子不絕人之歡不盡人之禮元照案此卽曲禮
不盡人之歡不竭人之忠之義絕亦竭盡也盧注
誤會

又進給而不讓元照案論語公治禦人以口給孔安

國云口辭捷給則給有捷義

又巧言令色能小行而篤句難於仁矣元照案小行

小道也不能於大道而能於小行又篤好之難乎

其爲仁矣補注訓篤爲甚屬下爲句似未允

許周
生云

宗彥案 文淵閣宋人集曾子
本作巧言而無能小行而篤

又君子出言以鄂鄂盧注鄂鄂辯厲也論語曰其言
之不作其後爲之難元照案所引論語未知何本
取以證辯厲之義則作當讀如史記天官書作作有
芒之作或有改從今本者誤也

本孝篇孝子惡言死焉流言止焉美言興焉元照案
荀子大略引流言止焉惡言死焉楊倞注死猶盡也

鄭康成云死之言漸漸猶消盡也盧注謂死且不
行不如楊注之當淮南主術上車執轡則馬死於衡

下字法相類

又出門而使不以或爲父母憂也元照案或者無定之辭遊必有方是不以或爲父母憂矣注云不爲

事或貽憂於父母也未詳

臧在東云鑰堂案鄭注論語云或之言有也謂

不以有失貽父母憂也

宋德輝云咸熙案或與

惑通言不爲非禮之事所惑爲父母憂也如此解

於注義亦通矣

制言上篇故士執仁與義而明行之未篤故也胡爲

其莫之聞也元照案士行仁義宜乎其有聞矣而

莫之聞者以行之未篤故耳此倒句法

許周生云明字句絕

又下篇生耕稼以老十室之邑元照案史記淮陰侯

傳生乃與噲等爲伍衛將軍傳生得毋笞罵足矣

生之義如此

孫監察云志祖案大戴生字義似不如此

疾病篇與君子游如長日加益而不自知也盧注如

日之長雖日加益而不自知也元照案漢書

董仲舒傳

積善在身如長日加益而人不知也師古曰長言

身形之修短自幼而壯也以師古說注禮則不自

知之義較切然以注漢書則盧說又勝漢書云人

不知未嘗云不自知下云積惡在身猶火之銷膏

而人不見也則漢書自當以長日連讀爲合

臧在東云

此條仍從舊義夏小正五月時有養日養長也

天圖篇陽之專氣爲雹陰之專氣爲霰毛詩正義雅小

類引作陽之專氣爲霰陰之專氣爲雹元照案專

當讀爲搏結聚也雨雪爲陽氣所搏則爲霰爲陰

氣所搏則爲雹意本詩正義當從詩正義所引爲定爾

雅釋文疏全襲詩正義亦同臧在東云鏞堂案專氣者專壹之氣也陽

氣散而陰氣凝故散則爲霰則爲雹竟當據以改正

衛將軍文子篇欲給則豫補注引中唐凡事豫則立

元照案外傳

晉語

士蔦曰戒莫如豫豫而後給韋

昭注豫備也給及也言先有備而後及事此與經旨更切

五帝德篇幼而彗齊元照案彗當從朱文端

軾

刻本

作慧朱所据宋本也慧與惠同卽宣慈惠和之惠孔本作彗訓彗爲勤雖本爾雅似未允協

帝繫篇瞽瞍產重華是爲帝舜及產象敖補注云象爲人傲很因以爲號劉景升與袁譚書曰昆弟之嫌未若重華之於象敖因此文也元照案象敖之

文見於堯典敖言其性非其號也而乃云象敖者

古人自有此例如受德二字見於尙書

立馬融云

政

受德受所爲德也而逸周書

克殷則曰殷末孫受德

受德

孔還注紂字受德也

史記周本紀作季紂正義云周書作受德受德紂字也

呂覽

當務

受德乃紂也尙書鄭注

書序

孔傳

立政

皆以受

德爲紂字後人乍見此類未有不疑其誤者象敖

受德可互證也

臧在東云眞善讀書由虛心得之

子張問入官篇不先於身雖行必鄰也盧注鄰却元

照案鄰卽遴字說文

彳部

遴行難也引易以往遴

今本

作或从人作倂廣雅釋詁遴選也又難也李奇漢

書注杜欽傳遴難也皆與郤義相合言雖行不能前

也郤乃卻之俗體見廣韻二十又案保傅篇鄰愛

於疎遠卑賤此借鄰爲吝乃吝嗇之謂與雖行必

鄰之鄰音同義異補注於保傅篇援此文爲證非

也蓋近人多誤讀注中郤字爲吝攷吝之俗體作

𡗗亦見廣韻二十不可淵也

盛德篇是以民德美之元照案謂德之美之也德如

左傳成三年然則德我乎之德彼正義云德加於彼

彼荷其恩故謂荷恩為德

又苟以為亂無道刑罰必不克元照案爾雅釋詁克勝

也勝克也不克言不勝用耳盧注云又不能中似

未協

千乘篇五穀必入於倉元照案必即畢字必入盡入

也尚書大傳大誓畢力賞罰史記周本紀同白虎通諫諍引作

必力左傳元同軌畢至白虎通嫁娶引作必至又

嫁萬物必生也必亦畢字藏在東云月令仲秋穿

明堂禮曰仲秋農隙民畢入于室賈齊修圉倉注引王居

原案及工記天子之圭中必注必讀如鹿車釋之

方言九云車下鉄陳宋淮楚之間謂之畢注鹿車也釋畢必古字通

誥志篇賢人竝憂殘毒以時省元照案說文

又部

憂行

之和也从又憂聲引詩布政憂憂後來以憂代憂

愁之憂

說文心部憂愁也从心从頁

而以優代憂

說文人部優饒也一日倡

也

大戴禮來步誦習者故偶存古字而未改耳

文王官人篇醉之以觀其不失也元照案失古佚字

惠氏尚書詩小雅古義有說詩小宛

云人之齊聖飲酒溫克即所謂

不失逸周書

官人

云醉之酒以觀其恭

許周生云宗彥考不失謂

不失禮似不必作佚字解不失禮即恭也

又其貌固嘔盧注嘔以就色下人謂形柔而人苟戴

氏

震

云篇中嘔字竝嫗之譌元照案嫗與嘔同苟

子

富國

拊循之兒嘔之楊注嘔與區同廣雅

釋詁

嘔

色也又

訓釋

嘔嘔喜也劇秦美新云上下相嘔李善

注引禮記煦嘔覆育萬物禮記釋文作嫗又與謳

通莊子

大宗師

需役聞之於謳李頤注謳煦也

釋文音香

于廣雅

一釋詁

謳喜也此三字偏有通借不勞改作

戴撰方言疏證於嫗色也下云嫗亦作嘔引廣

雅爲證蓋已知不必改矣

又欲色嘔然以偷盧注偷苟且也言惟求悅人元照
案逸周書作愉假借作偷當訓愉悅此節言五氣
發形於外之象非言小人之情狀也盧於本文殊
失檢照又案聖主得賢臣頌云是以嘔喻受之應
劭云嘔喻和悅貌廣雅釋訓嘔嘔喻喻喜也是愉又
通喻

又畸鬼者不仁盧注恃禱祀而不自修也補注云畸

倚也元照案畸人見莊子

大宗師

李頤注云奇異也

釋文畸音其宜反

方言一

虔儼慧也自關而東趙魏之間

謂之黠或謂之鬼廣雅

釋詁

鬼慧也又

二

畸衰也

畸鬼乃奇邪詭譎之謂盧注非是又案荀子

身修倚

魁之行楊涼注倚奇也魁大也倚魁皆謂偏僻狂怪之行元照謂倚魁卽畸鬼也

用兵篇詩曰魚在在藻厥志在餌鮮民之生矣不如
歿之久矣盧注以上二句爲逸詩下二句爲蓼莪
詩元照案連引兩詩合之有韻古人閒有此例縑
衣引詩云昔吾有先正其言明且清國家以甯都
邑以成庶民以生誰能秉國成不自爲正卒勞百

姪合引逸詩與節南山而有韻者呂覽報更引詩曰

赴赴武夫公侯干城濟濟多士文王以甯合兎置

文王兩詩城甯為韻

又公懼焉曰在民上者可以無懼乎哉元照案懼焉

之懼當讀曰瞿莊子庚桑南榮赴懼然顧其後釋文云同

紀俱反史記孟荀列傳懼然顧化錢氏攷異云懼即瞿字說苑君道哀

公懼焉有閒盧校云即瞿然漢書惠帝紀贊聞叔孫通之諫則

懼矣注懼讀曰瞿瞿然失守貌音居具反又鄒陽傳長君懼然師古曰懼讀曰

瞿東方朔傳又王懼然易容注懼然失守之貌也懼音居具反又王莽

傳中懼然祇畏注懼音瞿瞿然自失之意後漢書申屠懼然自刻

注懼驚也又楊厚音紀住反懼然改意注懼音九具反又何敞懼然

不敢荅注懼音紀俱反方言二十懼驚也戴氏疏證云懼當作瞿此皆

以懼為瞿懼焉即瞿然四代篇子吁焉其色少間篇子愀焉變色大戴以焉代然不一見矣